



PERATURAN PEPERIKSAAN LEMBAGA GETAH MALAYSIA

1. **Pendahuluan**

Peperiksaan perkhidmatan ialah peperiksaan yang disyaratkan kepada anggota yang berkhidmat bagi tujuan pengesahan jawatan dan juga bagi tujuan melangkah sekatan kecekapan untuk kemajuan dalam perkhidmatan. Syarat-syarat peperiksaan yang dikenakan kepada anggota adalah sebagaimana yang disyaratkan dalam skim-skim perkhidmatan.

2. **Tujuan**

Tujuan Peraturan Peperiksaan ini diadakan ialah untuk dijadikan garis panduan kepada anggota yang akan menduduki peperiksaan perkhidmatan.

3. **Hari Peperiksaan**

Setiap anggota (kemudian ini disebut sebagai calon) yang hendak menduduki peperiksaan hendaklah mematuhi peraturan-peraturan berikut :

3.1 **Dokumen Yang Perlu Dibawa Di Hari Peperiksaan**

Calon-calon hendaklah membawa bersama-sama semasa di hari peperiksaan dokumen-dokumen berikut:

- (a) Naskah arahan kepada calon-calon yang mengandungi angka giliran, pusat peperiksaan dan tarikh/waktu peperiksaan
- (b) Kad pengenalan/Kad LGM
- (c) Alat-alat bagi keperluan peperiksaan seperti pen, pensil, pemadam, kalkulator dan sebagainya

Ketua-ketua Pengawas berkuasa menahan seseorang calon daripada menduduki sesuatu peperiksaan sekiranya didapati seseorang calon itu gagal membawa salah satu daripada dokumen (a) atau (b) atau kedua-duanya sekali.

3.2 Kedatangan

Calon-calon hendaklah berada di dalam Dewan Peperiksaan 15 minit sebelum waktu peperiksaan dimulakan untuk tujuan-tujuan berikut:

- (a) Mendaftar kedatangan
- (b) Mendapat penjelasan terakhir mengenai peraturan-peraturan peperiksaan di Dewan Peperiksaan

3.3 Kedatangan Yang Lewat

Calon-calon yang datang lewat melebihi 30 minit selepas peperiksaan dimulakan tidak akan dibenarkan mengambil peperiksaan kecuali atas alasan yang munasabah. Bagaimanapun masa tambahan atas kelewatan tidak akan diberi.

3.4 Pakaian

Calon-calon yang mengambil peperiksaan adalah diwajibkan sentiasa berpakaian kemas sebagaimana menjalankan tugas-tugas harian rasmi di Pejabat. Ini bermakna calon-calon tidak dibenarkan memakai selipar, baju T dan seluar pendek. Calon-calon wanita tidak dibenarkan memakai purdah dan pakaian-pakaian yang menjolok mata. Ketua Pengawas boleh menyingkirkan calon-calon dari Dewan Peperiksaan sekiranya mereka melanggar peraturan ini.

3.5 Perkara-perkara Yang Dilarang Dibawa Masuk Ke Dewan Peperiksaan

Buku-buku atau apa-apa tanda, isyarat, tulisan ataupun nota-nota yang boleh digunakan bagi membantu calon-calon menjawab soalan. Ketua Pengawas boleh menyingkirkan calon-calon dari Dewan Peperiksaan sekiranya didapati membawa masuk perkara-perkara tersebut.

3.6 Peraturan Dalam Dewan Peperiksaan

- (a) Calon-calon hendaklah meninggalkan barang-barang yang dilarang di bawa masuk ke Dewan Peperiksaan di luar Dewan.

- (b) Calon-calun hendaklah mempamerkan Kad Pengenalan dengan cara meletakkan di sudut sebelah kanan meja masing-masing.
- (c) Calon-calun akan diberi masa yang berpatutan bagi mencatatkan butir-butir perlu di atas kertas jawapan dan untuk mengisi borang kehadiran.
- (d) Semasa peperiksaan berjalan, suasana di dalam Dewan Peperiksaan mestilah di dalam keadaan aman dan senyap. Setiap calon hendaklah berkelakuan baik dan ditegah sama sekali sama ada mengganggu calon-calun lain secara bercakap ataupun membuat bising.
- (e) Jika memerlukan sebarang penjelasan, kertas jawapan ataupun hendak keluar daripada Dewan Peperiksaan, calon perlulah mengangkat tangan untuk menarik perhatian salah seorang pengawas yang bertugas bagi menyampaikan hasrat mereka. Calon-calun hanya boleh keluar setelah mendapat kebenaran daripada pengawas.
- (f) Calon-calun tidak dibenarkan merokok dalam Dewan Peperiksaan.
- (g) Calon-calun tidak dibenarkan meniru di antara satu sama lain.
- (h) Calon-calun tidak dibenarkan menggunakan telefon bimbit semasa peperiksaan dijalankan. Sekiranya calon sedang menunggu panggilan penting, maklumkan kepada Ketua Pengawas.
- (i) Calon-calun hanya dibenarkan meninggalkan Dewan Peperiksaan selepas ½ jam peperiksaan dijalankan. Calon-calun tidak akan dibenarkan meninggalkan Dewan Peperiksaan dalam masa 15 minit sebelum tamat peperiksaan.
- (j) Sebelum meninggalkan Dewan Peperiksaan, calon-calun adalah dikehendaki menyerahkan kertas jawapan mereka kepada Pengawas mengikut arahan Pengawas.

Calon-calun yang melanggar mana-mana peraturan di atas boleh dikenakan tindakan-tindakan di bawah;

- (i) Disingkirkan daripada menduduki peperiksaan
- (ii) Calon dianggap kandas
- (iii) Diambil tindakan tatatertib

Unit Pengurusan Sumber Manusia
Lembaga Getah Malaysia

16 September 2008